

Gwers 21 – Jona'n rhedeg i ffwrdd

Nodiadau Cefndir i'r Athro

Jona 1:1 – 3:10

Yr oedd Jona'n cael ei anfon i un o'r manau peryclaf yn y Dwyrain Canol, Ninefe, yn agos i Mosul, Irac heddiw. Y mae Irac yn beryglus hyd heddiw, yn enwedig o gwmpas Mosul ond am wahanol resymau efallai. Diben anfon Jona i Ninefe, meddai Duw, oedd llefaru yn ei herbryn 'oherwydd daeth ei drygioni i'm sylw' (Jona 1:2). Yr oedd Jona i fynd i ddinas gaerog, a mwyaf pwerus y dydd, a dweud wrth bobl dreisgar ac ymosodol nad oedd Duw yn hoffi eu ffordd o fyw. Ymateb Jona oedd ffoi cyn belled ag oedd yn bosibl iddo.

Y mae Jona felly yn ceisio ffoi oddi wrth Dduw. Nid oedd hynny'n beth doeth i'w wneud oherwydd golygai redeg i ffwrdd oddi wrth rywun sydd yn bresennol ymhob man. Fel yn hanes Adda yng ngardd Eden a Jacob ym Methel, roedd Duw a'i lygaid ar Jona bob cam a da o beth hynny, oherwydd cafodd y proffwyd ei hun ar long mewn storm.

I geisio arbed criw y llong, taflwyd y gêr oddi ar y llong i'r môr, ond nid oedd hynny'n ddigon. Penderfynodd y criw fwrw coelbren er mwyn canfod pwy oedd yn gyfrifol am eu hargyfwng. Syrthiodd y coelbren ar Jona ac er eu bod yn anfodlon ar y cychwyn, ar orchymyn Jona, bwriasant ef i'r môr. Ond yr oedd Duw gyda'i was a threfnodd i bysgodyn mawr ei lyncu. Mewn gweddi o fol y pysgodyn, mae'n cydnabod mai Duw sydd wedi ymyrryd ac wedi trefnu ffordd i'w arbed o'r môr, ond nid oes arwydd o edifeirwch yn ei eiriau.

Ymhen amser, trefnodd Duw i'r pysgodyn chwydu Jona ar y lan. Llefarrowd Duw wrth Jona am yr eildro a'i wysio i fynd i Ninefe. Y tro hwn ufuddhaodd Jona a chyhoeddi wrth drigolion y ddinas, 'Ymhen deugain diwrnod fe ddymchwelir Ninefe'. Y syndod yw bod y bobl wedi gwrando arno, a chyhoedda'r brenin gyfnod o ymryd a diwrnod o edifeirwch a gweddi. 'Bydded iddynt wisgo sachliain a galw yn daer ar Dduw. Bydded i bob un droi oddi wrth ei ffordd ddrygionus.... Pwy a wŷr na fydd Duw yn edifarhau eto, ac yn troi oddi wrth ei ddiog mawr, fel na'n difethir ni?' (Jona 3:9).

Jona

Brodor o Gath-hepher, tref rhyw awr o daith o Nasareth. Dywed traddodiad Iddewig mai mab y wraig weddw o Sareffath, a godwyd o farw'n fyw gan Elias, oedd Jona. Ond nid oes tystiolaeth sicr i'r gred. Un cyfeiriad sydd at broffwyd a elwir Jona (2 Bren. 14:25). Fe'i cynhwysir ymhlith y proffwydi, er dim ond proffwydoliaeth un llinell sydd yn y llyfr – 'Ymhen deugain diwrnod fe ddymchwelir Ninefe' (Jona 3: 4). Un o gyfoeswyr Jona oedd Amos.

Ninefe


Prifddinas Assyria a ddinistriwyd gan fyddin Babilon. Nodir y ddinas heddiw gan dwmpathau yn agos i Mosul, yn Irac .

Tarsis

Cyfeirir at longau o Tarsis, e.e dywedir fod gan Solomon 'longau Tarsis'. Gall fod yn ardal yn ffinio â Môr y Canoldir, yn gyfoethog mewn adnoddau megis coed, aur, arian a haearn. Mae'n amlwg fod Tarsis yn ddigon pell o Ninefe ac y byddai Jona'n teimlo'n ddiogel yno.

Pysgodyn

Nid yw'r Beibl yn sôn am forfil fel y tybir yn aml. Roedd Duw'n aml yn gwneud rhywbeth annisgwyl.




Doedd Jona ddim am wrando ar Dduw
a mynd i ddinas Ninefe. Ceisiodd
cuddio gan Dduw. Beth ddigwyddodd
ar y môr?

O'r diwedd, newidiodd Jona ei feddwl,
ac aeth i Ninefe i ddweud wrth bawb
yno am Dduw.

Defnyddia dy fysedd a phaent i
liwio'r pysgodyn ac i lenwi'r môr gyda
physgod eraill o bob lliw.

O Dduw, weithiau nid ydym yn
gwrando arnat ti, fel Jona. Plis
maddau i ni a helpa ni i fod yn ufudd
bob amser. Amen.

Gwers 21 – Jona yn rhedeg i ffwrdd



Jona | Beibl Newydd y Plant tud. 108

(Llyfr Jona)

Gwers 21

Jona yn rhedeg i ffwrdd

BEIBL GWEITHGAREDD Y PLANT DAN /DROS 7 oed

Jona yn rhedeg i ffwrdd tud 90

BEIBL LLIW STORI DUW

Jona yn rhedeg i ffwrdd tud 165

BEIBL BACH STORI DUW

Negesydd Duw tud 160

BEIBL NEWYDD Y STORIWR

Jona'n cwyno tud 66

BEIBL LLIW Y PLANT

Jona a'r pysgodyn mawr tud 174

BEIBL NEWYDD Y PLANT

Jona tud 108

BEIBL BACH I BLANT

Y pysgodyn anferth tud 264

Y BEIBL I BLANT MEWN 365 STORÏAU

Stori Jona tud 266

BEIBL LLIW Y TEULU

Negesydd Duw tud 99

Amser Chwarae

Bydd angen powlen fawr o ddŵr arnoch ac amrywiaeth o offer i'r plant chwarae, e.e. cwpanau plastig sydd â thyllau ynddynt, bocsys plastig, teganau bath. Hefyd, darnau sgwâr o bapur i greu cychod papur a gwellt yfed.

Ar ôl chwarae am dipyn, dangoswch i'r plant sut i greu cwch papur, ac i greu 'storm' gyda'r gwellt yfed.

Amser Stori

Bydd angen blanced i'w rhoi ar y llawr fel "cwch." Gosodwch ambell gadair mewn siâp hirgrwn gydag ymylon y flanced drostynt fel "ochrau'r" cwch. Byddai pegiau dillad yn ddefnyddiol i ddal y flanced yn ei lle.

Eisteddwch yn y 'cwch' gyda'r plant ac adroddwch hanes Jona yn eich geiriau eich hun, gan annog y plant i ymuno gyda symudiadau perthnasol – rhwyfo, ysgwyd yn ôl ac ymlaen yn y storm, creu sŵn y storm, taflu Jona i'r môr ayyb. Pwysleiswch fod Jona wedi clywed neges gan Dduw i fynd i ddinas Ninefe a bod ofn arno a dewisodd geisio rhedeg i ffwrdd oddi wrth Dduw. Esboniwch fod Duw yn gallu gweld Jona a'i fod wedi danfon y storm a'r pysgodyn er mwyn gorfodi Jona i wneud yr hyn y dylai ei wneud! Eglurwch fod Jona wedi cael cyfle arall i fod yn ufudd ac i fynd i ddinas Ninefe a bod pobl Ninefe wedi ymateb yn dda i'w neges.

Cân

(I'r dôn 'London Bridge is falling down')

"Jona, dos/cer i Ninefe, Ninefe, Ninefe,
Jona dos/cer i Ninefe," meddai Duw.

"Af i ddim i Ninefe, Ninefe, Ninefe,
Af i ddim i Ninefe," meddai Jona.

I mewn i gwch, ac i ffwrdd ag ef....
roedd Duw yn ei weled.

Daeth storom fawr, roedd gan bawb ofn....
Bai Jona yw'r cwbl!

Danfonodd Duw bysgodyn mawr.....
a llyncodd Jona'n gyfan!

"Sori Dduw, dwi'n barod i fynd.....
draw i Ninefe."

Gêm 'Dilyn yr Arweinydd'

Mae pawb yn eistedd mewn cylch gydag un o'r plant yn sefyll tu allan i'r ystafell, tra eich bod yn dewis "arweinydd." Mae'r arweinydd yn gwneud symudiadau gwahanol (clapio, tapio gwahanol rannau o'r corff ayyb), ac mae pawb arall yn ei (g)chopïo. Mae'r person sydd wedi bod tu allan yn gorfod ceisio dyfalu pwy yw'r arweinydd. Yna, mae'r arweinydd a'r dyfalwr yn newid lle.

Byddai'n syniad i chi ddangos sut mae'r arweinydd yn newid o un symudiad i un arall gyda phawb yn copiïo cyn cychwyn y gêm yn iawn. Esboniwch wrth y plant y byddwn yn clywed am hanes Jona. Roedd Jona wedi cael neges gan Dduw i fynd i rywle arbennig, ond nid oedd yn fodlon gwrandao ar Dduw – doedd e ddim yn dilyn Duw fel arweinydd!

Crefft

Llyfr Crefft t. 123-124

Adnoddau Ychwanegol

Crefft

Llyfr Crefftau Stori Duw i blant dan 5 oed t. 123-124

Gwerslyrau Golau ar y Gair

Jona; Proffwyd anfodlon

Taflenni gwefan amserbeibl.org

Cyfres C – Jona

Cyfres DVD Stori Duw

Stori 30: Jona'r rhedeg i ffwrdd

Cwis a Chwilair

Llyfr Cwis Cynta i Ateb, tud 318

Cyfres PowerPoints Beibl Bach i Blant

Cyflwyniad 30: Y Pysgodyn Anferth

Llyfrau Stori

Cyfres Fi Hefyd – Dydw i ddim eisiau

Hwyl Jig-So – Jona a'r Morfil

Cyfres Pysgodyn Bach – Jona ym mol y morfil

Llyfr Stensil Anifeiliaid y Beibl – Jona

